

3. Jiäráskitteevuotâ elimân

Tiervâ oppeet!

Tääl lii tâlvi pyeremuu muddoost.

Muotâ lii vala ennuv.

Puolâš pávkká eromâšávt iho, mutâ mudoi eellim lii sijvuu.

Kale tääbbin ässeeh láá já ko moonnâp kiđđuv kulij, te viehâ lassaan,
ko puoh kesilodeh puátih oppeet kuhes täälvi maŋa

Tâlviv lii kuittâg sijvub já munjin nahareh puátih ennuv pyerebeht ko keessiv.

Vâi tâlvi ij monâččii tuše nievdâmân,

te mun moonâm uáđđiđ taggaar sajan,

kost tuáimá cuvñampalvâlus.

Ama tun tiäđáh, ete mii taggaar saje lii, kost finnee vissásávt cuvñâm?

Šiev koccámsaje lii kierrâš pargošiljo alda.

Kierâš covná skuáلكutmáin

tâi jiešalnees puávtáččij ettâđ, ete covná rummutmáin.

Kierâš rummut njunijnis.

Ko kierâš lyevee smákkupittáid njuunijn muorâ rungoost,

te tot sulâstit rummuttem.

Talle kierâš lii ucâmin muorâ mieskâdejee tiivrijd purrâmuššân

teikâ lii ráhtimin olssis piervâlvaágu monnim várás.

Kierrâš rytmâlâš rummuttem uázžu muu njuškođ pajas kuosâ oovsij syejeest.

Rummutmist poodij-uv muu mielân,

ete mun lam viehâ korrâ muusik ustev.

Mun lam ráhtám jieččân lavluu.

Tot lii jiäráskitteevuođâ laavlâ.

Jiäráskitteevuođâ laavlâ tot lii tondiet,

ko mun lam ain čuuvtij jiäráskittum, ko mun láávlum tom.

Mun lam jiäráskittum tast, ete kote muu ustevijn puátá,

ko mun láávlum jiäráskitteevuođâ lavluu.

Tom lavluu puáhtá lávluđ maŋgâi sierâ sanijguin.

Mun láávlum tom muu ellee- já loddeusteváid já mun láávlum tom sierâ iveaaigij.

Talle säänih láá ain aabâs jiešlágáneh.

Tääl lii vala tâlvi,

mutâ forgâ luáandu jorgeetškuát kiđđuv peln.

Talle lii-uv äigi kojâdiđ muu ustevijn,

ete láá-uv sij kiärguseh kiidâ várás?

Mun kojâdâm tom jiäráskitteevuođâ lávloin.

Tun-uv puávtáh koijádiđ tuu jieijâd lodde- já elleeustevijn ete láá-uv sij kiärguseh kiidâ várás.
Jis tun vuod käibidah tuše váhá jiäráskitteevuođâ tuu elimân,
te tun puávtáh lávluđ tom šiljoost já vyerdiđ,
ete puátá-uv kiinii tuu ustevijn.

Elska

Kufittâr jiäráskittee aašijd čaalij taas Kristiina Aikio. Jurgâlus Tanja Kyrö.



Jiäráskitteevuođâ laavlâ

Jo - ďám vye- di - roobdâ mielđ, kiđ - ďâ poo - ďiš

o - ov - deld. Ku - ávs - ká, ku - ávs - ká,

lah - uv kiär- gu - (u - u)s?

Monnjâsaavah

Smiettâđ oovtâst, ete maht sierâ lodeh já elleeh ráhtádâteh jieškote-uv iveaaigij várás? Lávluđ jiäráskitteevuođâ lavluu nuuvt, ete kevtvivedet sierâ iveaaigijd sehe sierâ lodde-, ellee já šaddoš-laajâid.